

梵網經菩薩戒本會解_補充資料_7_26

◎惡叉 梵語 aksa，又作鳴嚕捺囉叉（梵 rudrākṣa）。意譯為縊貫珠、金剛子。樹名，亦為果實名。學名 Eleocarpus ganitrus。其果實皆三粒同一蒂，且落地後多聚集於一處，故稱惡叉聚，用以譬喻惑、業、苦三者間之互相關連。此外，經論中多引之譬喻多數或眾多之意。瑜伽師地論卷九十六（大三〇・八四六下）：「譬如世間大惡叉聚，於此聚中有多品類。」成唯識論卷二（大三一・八上）：「一切有情無始時來有種種界，如惡叉聚，法爾而有。」惡叉聚之果實呈紫色，印度人多取以染物或榨油，其果核可作念珠之用。《佛光電子大辭典》 p4945

◎鹿王

《大智度論》卷 16〈1 序品〉：「波羅柰國梵摩達王，遊獵於[9]野林中。見二鹿群，群各有主，一主有五百群鹿。一主身七寶色，是釋迦[10]牟尼菩薩；一主是提婆達多。菩薩鹿王見[11]人王大眾殺其部黨，起大悲心，逕到王前。王人競射，飛矢如雨；王見此鹿直進趣已，無所忌憚，勅諸從人：『攝汝弓[12]矢，無得斷其來意。』鹿王既至，跪白[13]人王：『君以嬉遊逸樂小事故，群鹿一時皆受死苦；若以供膳，[14]輒當差次，日送一鹿，以供王廚。』王善其言，聽如其[15]意。於是二鹿群主，大集差次，各當一日。[16]送應次者，是[17]時，提婆達多鹿群中，有一鹿懷[18]子，來白其主：『我身今日[19]當應送死，而我懷子，子非次也；乞垂料理，使死者得次，生者不濫！』鹿王怒之言：『誰不惜命？次來但去，何得辭也？』

「鹿母思惟：『我王不仁，不以理恕，不察我辭，橫見瞋怒，不足告也！』即至菩薩王所，以情具白。

「王問此鹿：『汝主何言？』

「鹿曰：『我主不仁，不見料理，而見瞋怒；大王仁及一切，故來歸命。如我今日，天地雖曠，無所控告！』菩薩思惟：『此甚可愍！若我不理，枉殺其子；若非次更差，次未及之，如何可遣？唯有我當代之。』思之[20]既定，即自送身，遣鹿母還，『我今代汝，汝勿憂也！』鹿王逕到王門，眾人見之，怪其自來，以事白王。

「王亦怪之，而命令前，問言：『諸鹿盡耶？汝何以來？』」

◎尸毘王

《大智度論》卷 4〈1 序品〉：「毘首羯磨答曰：『是優尸那種尸毘王，持戒、精進，大慈、大悲，禪定、智慧，不久作佛。』釋提桓因語毘首羯磨：『當往試之，知有菩薩相不？汝作鴿，我作鷹，汝便[7]佯怖入王[8]腋下，我當逐汝。』…」

◎十科

《禪門章》卷 1：「今明懺悔。翻破此罪。還從心滅。亦為十意。一深信因果。二心生慙愧。三怖畏惡道。四發露悔懺。五斷相續心。六發菩提心。七修

功補過。八護持佛法。九念十方佛。十觀罪性空。」

- ◎《佛說觀普賢菩薩行法經》卷 1：「一切業障海，皆從妄想生，若欲懺悔者，端坐念實相。眾罪如霜露，慧日能消除，是故應至心，懺悔六情根。」
- ◎《高僧傳》卷 1：「初高自稱。先身已經出家。有一同學。多瞋。分衛值施主不稱。每輒[14]懟恨。高屢加訶諫終不悛改。如此二十餘年。乃與同學[15]辭訣云。我當往廣州畢宿世之對。卿明經精懃不在吾後。而性多[16]瞋怒。命過當受惡形。我若得道必當相度。既而遂適廣州值寇賊大亂。行路逢一少年。唾手拔刃曰。真得汝矣。高笑曰。我宿命負卿故遠[17]來相償。卿之忿怒故是前世時意也。遂申頸受刃。容無懼色。賊遂殺之。觀者填陌。莫不駭其奇異。既而神識。還為安息王太子。即今時世高身[18]是也。」
- ◎《景德傳燈錄》卷 27：「僧肇法師遭秦主(姚興)難。臨就刑說偈曰。『四大元無主，五陰本來空； 將頭臨白刃，猶似斬春風。』」